

Inatsisartuni aalajangiiffigisassaattut siunnersuut Naalakkersuisut kingusinnerpaamik 2017-imi aningaasaateqarfimmik 4 mio koruunit tikillugit aningaasaateqartumik pilersitsinissamik saqqummiussissasut, aningaasaateqarfiup aningaasalersussallugu angajoqqaat kisermaat 180.000 koruunilluunniit ataallugit isertitallit meeraasa nunatsinni nunattalu avataani angalasarnissaat.

(Inatsisartunut ilaasortamit Mimi Karlsenimit, Inuit Ataqtigiiit, ingerlateqqinneqartoq)

pillugu

siunnersuutip aappassaaneernejarnissaanut

Inatsisinut Ataatsimiititaliap

ISUMALIUTISSIISSUTAA

Suliaqarnermi Ataatsimiititaliap kingullertigut uku inuttarai:

Inatsisartunut ilaasortaq Laura Tàunâjik, Siumut, siulittaasoq
Inatsisartunut ilaasortaq Mala Høy Kuko, Atassut, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Debora Kleist, Inuit Ataqtigiiit
Inatsisartunut ilaasortaq Mimi Karlsen, Inuit Ataqtigiiit
Inatsisartunut ilaasortaq Kelly Berthelsen, Inuit Ataqtigiiit

Ataatsimiititaliap UKA 2016-imi ulloq 3. oktober 2016-imi siullermeerinninnerup kingorna siunnersuut sukumiinerusumik misissorpaa.

Siunnersuutip imarisai siunertaalu

Siunnersuuteqartup aalajangiiffigisassatut siunnersuut manna saqqummiussimavaa aningaasaateqarfimmik immikkut ittumik 4 mio koruunit tikillugit aningaasaateqartumik pilersitsinissamut Inatsisartut tapersiinnissaat siunertaralugu, aningaasaateqarfiup aningaasalersussallugit angajoqqaat kisermaat 180.000 kr-it ataallugit isertitallit meeraasa nunatsinni nunattalu avataani angalasarnissaat

Inatsisartuni siunnersuummik siullermeerinninneq

Siullermeerinninnermi siunnersuutip siunertaanut siamasissumik tapersiisoqarpoq, angajoqqaanut kisermaajusunut isertitakitsunullu meeraasut sulinngiffeqarnerup nalaani

angalasinnaanerannut periarfissiinissaq siunertaralugu. Nammineq illoqarfigisap avataanut angalanerup pisuunnguallaataasumik misigisassaananeranut tamanillu misigineqarsinnaasariaqarneranut amerlasuut isumaqataapput.

Naalakkersuisut aningaasaqarnikkut allaffissornikkullu siunnersuutip kingunerisassaanut innersuussillutik siunnersuummut tapersiisinnaasimanngillat. Siunnersuutip siunertaanut Siumukkormiut paasinnilluarsinnaasimapput, taamaattorli Naalakkersuisut itigartitsinerminnut tunngavilersuutaannut isumaqataasimallutik. Demokraatit aamma siunnersuut tapersersinnaasimanngilaat. Tamanna ilaatigut siunnersuutip aningaasaqarnikkut kingunissai innersuussutigalugit. Demokraatit tamatuma saniatigut tikkuarpaat, sulinnigiffeqarnerup nalaani angalanissamut aningaasartuutininik matussutissiinissamut periarfissat arlalissuit pioreersut. Tamanna ilaatigut meeqqat atuarfianni paasisassarsiorluni angalasinnaanermut periarfissatigut aamma kultureqarnermut ilinniartitaanermullu immikkoortotaqarfikkut, soorluttaaq sulinnigiffeqarnerup nalaani angalasinnaanermut qinnuteqarfiusinnaasunik arlalinnik aningaasaateqarfeqartoq.

Atassutip oqaatigaa najukkami pinngortitamut pissarsiaqarluarfiusumik angalaartoqarsinnaasoq. Atassutip aamma saqqummiuppaa angalanermut aningaasartuutininik matussusiivigineqarnissamut imaluunniit sulinnigiffeqarnerup nalaani angalanissamut tapiissuteqarfigineqarsinnaananeranut periarfissat arlalissooreersut. Periarfissat pioreersut qanoq naammatsigineranut apeqqummut tunngatillugu, pisariaqartitsineq tunngavigalugu sukumiinerusumik misissorneqarsinnaavoq.

Partii Naleqqap Inuillu Ataqtigiit siunnersuut tunngavissaqarluartutut nalilerpaat akuersissutigineqarnissaalu inassutigalugu. Inuit Ataqtigiit siunnersuutip periarfissanut pioreersunut tapertaasinnaanera erseqqissaatigaat, tamakku aqqutigalugit taperneqarsinnaanngitsunut periarfissaasusaaq.

Tamanna tunngavigalugu siunnersuut nalilersuiffigeqqitassanngorlugu Ilaqtariinnermut Peqqisutsimullu Ataatsimiititaliamut innersuunneqarpoq.

Ataatsimiititaliap siunnersuummik suliaqarnera

Naak siunnersuuteqartup ataatsimiititaliallu siunnersuummik taassumalu siunertaanik pingaarnernik suliarnik ingerlatsiinnarnissaa eqqarsaatigalugu siunnersuut amerlanerussuteqartunit tapersiisoqanngikkaluartoq ataatsimiititaliap maluginiarpaa, paasissutissanik tapertaasinnaasunik arlalinnik pissarsiniarnissaaq isumaqatigiissutigineqartoq.

Ilaqtariinnermut, Naligiissitaanermut, Isumaginninermut Inatsisinillu Atortitsinermut Naalakkersuisumik ataatsimeeqateqarneq

Siunnersuut pillugu ulloq 17. oktober 2016-imi ataatsimiititaliaq Ilaqutariinnermut, Naligiissitaanermut, Isumaginninnermut Inatsisinillu Atortitsinnermut Naalakkersuisumik paasissutissiiviusumik oqaloqatigiinnermillu ataatsimeeqateqarpoq.

Ataatsimiinnissamat apeqqutinik qulingiluanik akineqartussanik ataatsimiititaliaq suliaqarpoq. Ilaqutariinnermut, Naligiissitaanermut, Isumaginninnermut Inatsisinillu Atortitsinnermut Naalakkersuisut allakkatigut akissuteqaataa isumaliutissiisummut matumunnga ilanngussaq 1-itut ilanngunneqarpoq.

Ataatsimiititaliap erseqqinnerusumik paasisaqarfigerusuppaa, pisortat ikiorsiisarnerannut malittarisassanik iluarsartuusseqqinnissaq isumaliutaasoq qanoq ililluni siunnersuummik anguniagarineqartup anguneqarsinnaaneranut immikkut tapiissuteqarsinnaanermut ammaassissanersoq. Aammattaaq ataatsimiititaliap kissaatigaa, naak Naalakkersuisut siunnersuummik itigartitsisimagaluarlutik siunnersuutip piviusunngortinnissaanut suleqatissarsiorluni periarfissanik ujartuisinnaaneq pillugu isummernerminnut suna tunngaviginerlugu Naalakkersuisut oqaatigissagaat.

Pisortat ikiorsiissutaat pillugit inatsisip iluarsartuusseqqinnissamat tunngatillugu akissuteqaat ataatsimiititaliamit tusaatissat tiguneqarpoq.

Ilaatigut pisortat ikiorsiissutaannut inatsimmut iluarsartuusseqqinnissamat tunngatillugu arlalinnik peqquteqartumik naalakkersuinikkut malunnaatilimmik soqutigineqartoq malunnarpoq. AIS 2017-imi konto pingaarneq 20.11.51 *aaqqissuusseqqinnerit sunniutaat*-mi UKA 2018-imut isumaginninnikkut iluarsartuusisoqarnissaa nalunaarutigineqartoq ataatsimiititaliap maluginiarpaa. Konto pingaarnermi allassimavoq, isumaginninnikkut tunniuttakkat arlalinnut iluarsartuusineq, ilaatigullu pisortanit ikiorsiissutit pillugit malittarisassat pineqartut. Aammattaaq ajornartorsiutit ataqatigiissut arlaqartut innuttaasut ilaannut sulinissamat imminut akilersinnaanngitsoq imaluunniit ersarissumik iluaqutaanngitsup akerlianilli isumaginninnikkut tunniuttakkanik attassiinnartarnek taamaalillunilu ilatsiinnarluni pisortanit pilersorneqalersarnerup atorunnaarsinneqarnissaa anguniakkani siunertaasoq matumani aamma isumaginninnermut iluarsartuusinnissamat oqaatigineqarpoq.

Kingusinnerpaamik UKA 2018-imi isumaginninnikkut iluarsartuusinnermi ataatsimoorussamik ataqatigiissumik saqqummiussisoqarnissaa ataatsimiititaliaq isumaqarpoq, siunnersuutillu tamatuma aappassaaneerseqarnissaanut Ilaqutariinnermut, Naligiissitaanermut, Isumaginninnermut Inatsisinillu Atortitsinnermut Naalakkersuisumit uppersarnerqarnissaa qinnutigineqarluni.

Ilaqutariinnermut, Naligiissitaanermut, Isumaginninnermut Inatsisinillu Atortitsinnermut Naalakkersuisup akissuteqaataani siunnersuummi siunertarinqartup anguniarneqarnissaa siunertaralugu aningaasaateqarfiit piusut suleqatiginissaannut periarfissanik sukumiinerusumik misissuisoqarnissaanik neriorsuisoqarsimanngitsoq ataatsimiititaliamit maluginiarneqarpoq.

Siunnersuummi pineqartut tapiiffigineqartarlernissaannut tapersorsorneqartalernissaannulluunniit qanoq eqqarsaatersortoqarnersooq pillugu NunaFondemut tusarniaalluni aammalu siunnersuummi siunertarinqartup anguniarneqarnissaa siunertaralugu suleqatigiittoqarsinnaaneramik Namminersorlutik Oqartussanik oqaloqateqarnissamik NunaFonden piumassuseqarnersooq pillugu saaffigineqassasooq ataatsimiititaliaq aalajangerpoq.

Ulloq 10. november 2016 ataatsimiititaliap NunaFondemut saaffiginnissutaanut akissuteqaammik ataatsimiititaliaq tigusaqarpoq.

Inuit ataasiakkaat pisariaqartillugu angalanissaannut najugaqarnissaannullu pingaartumillu nunatta avataanut angalaniartunut tapiissuteqarnissamut Nunafondep periarfissaqannginnera ataatsimiititaliap tusaatissatut tiguaa. Aningaasaateqarfilli kulturikkut suliniutinut angalanermi suliniutinut attuumassuteqartunut tapiissuteqarsinnaavoq.

Meeqqat atuarfiini atuartut paasisassarsiorlutik angalaniartunut, paarlaasseqatigiinniartunut nunanilu allani oqaatsinik ilinniagaqariartorniartunut aallarnissap nalaani pineqartoq 18-it inorlugit ukioqarsimappat aningaasaateqarfimmiit imikkut iliuuseqarnikkut tapiissuteqarfigineqartarput.

Susasaqartunik oqaloqateqarnissaminut NunaFonde ammalluni oqaatigaa, aningaasaateqarfiullu siunertaa allanngortinniarneqarnissaa ajornakusoorluinnartutut oqaatigineqarsinnaalluni.

Siunnersuut pillugu ataatsimiititaliamut akissuteqaammut NunaFondep ilassutitut oqaatigaa:

Siunnersuummi pineqartunut tunngatillugu 4 mio. kr.-t ataasiaannartumik aningaasaliissutigissallugit naammaqqajannngitsut, pineqartut malunnartumik ikilinngippata NunaFonde isumaqarpoq. Nunatsinni kisimiittut angajoqqaallu katillugit 180.000 kr.-t ataallugit isertitaqartartut amerlapput.

Aningaasaateqarfiup ingerlanneqarneranut atatillugu allaffissornikkut aningaasartuutit minnaarneqassanngitsut ilanngullugu NunaFondep oqaatigaa. Aningaasaateqarfiup aningaasaataanik qinnuteqartut sullinneqarnissaannut akineqarnissaannullu sulineq, matumani ilanngullugit naatsorsuuserineq naatsorsueqquissaarnerlu annertoorujussuupput.

NunaFondemiit aamma oqaatigineqarpoq aningaasaateqarfik akisussaassuseqartunik siulersuisoqartussaasoq aammalu akisussaassuseqartunik aqunneqartussaasoq.

Siunnersuummut aalajangersimaqqissaartumik assigiinngitsunik innersuussuteqartoqaraluartoq, meeqqat inuusuttullu inerisaatigalugu angalallutik misigisaqartarnissaat pillugu siunnersuut iluarinartumik tapersersornartumillu tunngaviusumik isummernissamut tapersersornartuusooq ataatsimiititaliap eqikkaalluni oqaatigissavaa. Nunatsinni angeqisumi pinngortitaq inuuniarnikkullu atukkat sumiiffimmiit sumiiffimmut allanngorarfianni angalaarneq namminerimi pisuunnguallaataasarpoq. Angerlarsimaffik uummammioralugu angalaneq, nunatsinni nunattalu avataani inunnik allanik kulturinillu naapitsineq illuatungeriinnut ineriartuutaallunilu pisuunnguallaataasarpoq. Angalanissamut neqerooruteqarnikkut meeqqat alapernaatsunngortinneqarsinnaasut siunnersuuteqartup nalunaarutigimmagu ataatsimiititaliamit nangaanertaqanngitsumik tapersersorneqarpoq, taamaaliornikkut nutaanik misilittagaqalernermikkut, nutaanik anguniagaqalernermikkut ilinniagaqalerusunnissamillu ataatsimut piumassuseqalersitsisinnaammat. Meeqqanut inuusuttunullu illoqarfigisamik avataanut angalanissamut periarfissaqanngereersunut angalanissamut naalakkersuinikkut periarfissiisoqarnissaa sulissutigineqassasoq siunnersuuteqartumit kissaatigineqarmat ataatsimiititaliamit isumaqatigineqarpoq. Matumani pingaartumik kisermaatit meerarineqartut isertitakitsullu meeraat eqqarsaatigineqarput.

Taamaattumik siunnersuummut innersuussisoqaraluartoq siunnersuummi pineqartut annertunerusumik paasisassarsiornissamut paarlaateqatigiillunilu angalanissanut neqerooruteqarnissamut inerikkiartuutaasumik suliaqarnissamik takorluugaqarlutik Naalakkersuisut nutaat eqqarsaatqarnissaannik ataatsimiititaliamit kaammattorneqarput.

Inuit Ataqtigiit allannguutissatut siunnersuutaat

Isumaqatigiittoqarnissaa anguniarlugu naalakkersuinikkullu anguniakkat aalajangiuisimaannarneqarnissaat siunertaralugu ima allannguutissatut siunnersuuteqartoqassasoq Inuit Ataqtigiit siunnersuutigaat:

Kingusinnerpaamik 2017-imi kisermaat meeraasa angajoqqaallu 180.000 kr.-it ataallugit isertitallit meeraasa nunatsinni nunattalu avataanut akiliunneqarlutik angalasinnaalernissaannut Naalakkersuisut qanoq aningaasalersorsinnaaneraat pillugu siunnersuusioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Siunnersuutip aningaasaqarnikkut kingunissai

Ataatsimiititaliap maluginiarpaa siunnersuuteqartup siunnersuutip aningaasaqarnikkut kingunissaanut tunngatillugu allassimagaa aningaasaateqarfimmik siunnersuutigineqartumik

pilersitsinissap aningaasaliiffigineqarnissaanut 4.000.000 kr-it pisariaqartinneqassasut. Tassunga ilanngunneqassaaq aaqqissuussap pilersinneqarnissaanut misissuinermt atorfilittap ukiup affaani sulinerata annertoqataanik allaffissornikkut aningaasartuutissat 250.000 kr-it missaanniittut. Siunnersuuteqartup tapiliullugu allappaa allaffissornikkut aningaasartuutissat minnerpaaffiminniitineqassasut, kiisalu aningaasaliinermi aningaasaateqarfiup nammassisinnaasani qaangernagit tunniussisarnissaa aamma tunngaviusariaqartoq.

Aammattaaq siunnersuummik suleriuserineqartumut tunngatillugu siunnersuutigineqartunit 4. mio. kr.-iusunit malunnaatilimmik ikinnerusunik immikkoortitsisoqarsinnaanera aaqqiissutaasinnaasutut aaqqiissutissatulluunniit siunnersuutitut siunnersuuteqartoq ammasoq ataatsimiititaliamit tusaatissatut tiguneqarpoq. Tamatumanili siunnersuutip siunertarisata siunnerfigisaatalu avaqqunneqannginnissaasa anguniarneqarnissaa naatsorsuutigineqarluni.

Ataatsimiititaliap inassuteqaatai

Ataatsimiititaliami amerlanerussuteqartut Siumumeersut Atassutillu siunnersuut pillugu ima oqaaseqaateqassapput:

Siunnersuummut tunngavilersuutigineqartoq iluarinartorujussuuvoq tapersersornarlunilu, aningaasaateqarfimmi aningaasalersorneqarnissaanik siunnersuutigineqartoq siunnersuummut namminermut aningaasatigut aaqinneqarsinnaanngilaq, siunnersuummullu aningaasatigut matussutigineqarsinnaasunik maannakkut amerlanerussuteqartunit innersuussisinnaanngillat. Aningaasanik amerlanerusunik immikkoortitsisoqartariaqarpoq. Tamanna NunaFondemii maannamullu amerlanerussuteqartut assigalugit uppersarneqarpoq. Meeqqat inuusuttullu alapernaatsunngortinneqarnissaannut paarlaateqatigiinnikkullu peqataanerulernissaannut assigiimmik periarfissaqalernissaat nukittorsarneqarlunilu annertusarneqarnissaa siunertaralugu nukissatigut Naalakkersuisut ataatsimut pingaarnersiuisariaqartut amerlanerussuteqartut ajorinngilaat. Amerlanerussuteqartulli erseqqissaatigissavaat siumut isigisumik suliniutit aningaasanik tapartaqartinneqassammata aammalu naalakkersuinikkut pingaarnersiuiineq pillugu isumaqatigiissutinik ersarissunik tunngaveqassammata. Allannguutissatut siunnersuut iluarinartuusoq, pisariaqanngitsumillu aningaasaqarnikkut Naalakkersuisunik pituttuisuullunilu siumoortumik pisussaaffiliisoq amerlanerussuteqartut isumaqarput.

Tamanna tunngavigalugu ataatsimiititaliami amerlanerussuteqartut qulaani pineqartut siunnersuut allannguutissatullu siunnersuutip itigartitsissutigineqasaasut inassutigaa.

Ataatsimiititaliami ikinnerussuteqartut Inuit Ataqtigiinneersut siunnersuut pillugu ima oqaaseqaateqassapput:


Siunnersuummi tunuliaqutaasumi tunngavilersuutitut saqqummiunneqartut naalackersuinikkut aalajangiusimaneqartariaqarnissaat sulissutigineqarneratalu ingerlateqqinneqassasoq Inuit Ataqtigiit kissaatigaat. Tamanna pisinnaavoq Inuit Ataqtigiit allannguutissatut siunnersuutaat naalackersuinikkut katersuuffiuppat, taamaaliornikkut kisermaat meeraasa isertitakitsullu meeraasa aalajangersimasumik killilimmik nunatsinni nunanilu allani akiliunneqarlutik angalanissaannut Naalackersuisut 2017-imi siunnersuummik saqqummiussinerisigut. Meerartatta inuusuttatalu allanik periarfissaqanngitsut ineriartuutaasumik pissarsiviulluartumillu angalasalernissaasa piviusunngortinneqarnissaa kissaatigineqarpat, taava Inuit Ataqtigiit allannguutissatut siunnersuutaata tapersersorneqarnissaa kaammattuutigineqarpoq.

Tamanna tunngavigalugu ataatsimiititaliami ikinnerussuteqartut qulaani taaneqartut allannguutissatut siunnersuut akuerineqassasoq siunnersuutaqqaartorlu itigartinneqassasoq inassutigaat.

Ataatsimiititaliap taamak oqaaseqaateqarluni isumaliutissiissummilu allassimasutut paasinnilluni siunnersuut aappassaaniigassanngortippaa.




Laura Tånåjik
Siulittaasoq




Mala Høy Kuko



Jess Svane




Karl-Kristian Kruse



Debora Kleist



Mimi Karlsen



Kelly Berthelsen



Ilaqutariinnermut Peqqissutsimullu Ataatsimiititaliaq

UKA 2016/102 Ilaqutariinnermut Peqqissutsimullu Ataatsimiititaliap apequtaanut akissutit

12-10-2016
Sagsnr. 2016 - 13899
Akt ID. Nr. 3748545

Qujanaq ataatsimiititaliap apeqqutinut nassiussaanut, ilanngullugulu Ilaqutariinnermut Peqqissutsimullu ataatsimiititaliap pineqartut pillugit ataatsimiilerunik qaaqqusissutaannut.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

- 1. Naalakkersuisut inatsisartut oqaluttarfianniit innersuussutigaat SIK-mut ilaasortaasut ilaquataat meeraallu periarfissaqartut akiliunneqarlutik feeriarnissamut. Inuimmi pisortat ikiorsiissutaannik pisartagallit, eqqarsaatigineqarnerluni pisortat ikiorsiissutaannik pisartagallit pillugit maleruagassat allangortiterlugit iluarsaaqqinnissami siunnersuutip UKA 2016/102-mi eqqartornissaani pineqartup anguniarnissaa?**

Akissut: Angalanissanut aningaasaateqarfiit saniatigut, soorlu assersuutigalugu kattuffiit arlaleriit ilaasortaminnut neqeroortutigisartagaat, taakkununga ilaalluni SIK, taava kikkulluunniit, aamma pisortanik ikiorsiissutisartut, periarfissaqarput aningaasaateqarfinnut namminersortunut angalanissanut taperneqarnissamik qinnuteqarnissamut. Aningaasaateqarfiillu namminersortuugamik assigiinngitsunillu siunertaqarlutik piumasaqaateqarlutillu, Naalakkersuisut isummerfigiuminaatsippaat ilumut angalanissanut qinnuteqaatinut tapiumassanersut.

Naalakkersuisut siunertaannut ilaavoq aqqissuussinerit imminnut akornusersuussinnaasut iluarsineqartarnissaat, soorlu assersuutigalugu pisortat ikiorsiissutaannik pisartagaqarneq meeqqanullu tapeqartitsisarneq. Taamaaliornitsigut innuttaasut tapiissutinik pisartagallit kaammattorumavagut suliffeqalerumallutik ilungersuuteqaqqullugit, tassuunakkummi aningaasat atugassatik amerlisissinnaammatigik, ilaqutariittullu angalallutik sulinngiffeqarsinnaanermut periarfissaat annerulissallutik.

Pisortat ikiorsiisarnerannik iluarsaaqqinnissami maannangaaq eqqarsaataangilaq sulinngiffeqarmut aningaasaateqarfiliornissaaq.

- 2. Aningaasaateqarfimmut piginneqataanermi akiliutissaaq allangortinneqartuuppat – soorlu 500.000 kr. Namm. Oqartussanit sinnerilu aningaasaateqarfinnit allanit allalluunniit aqqutigalugit matussuserneqartuuppata – taava Naalakkersuisut aningaasaateqarfiliorsinnaanermut ammanerusinnaappat?**

Akissut: Naalakkersuisut nuannaarutigisaqaat namminersortut aningaasaateqarfii suliniutinut assigiinngitsunut tapersiigaangata, taassumalu ataani inunnik isumaginnerup iluaniittunut.

Naalakkersuisut kissaatiginnigilaat peqqussinnaanagilluunnit aningaasaateqarfiit namminersortut sulinngiffeqarnermut aningaasaateqarfimmut peqataaqullugit, ilaatigut inatsiseqarnikkut iluarsartuussinissaq aqutsinissarlu eqqarsaatigalugit.

Naalakkersuisulli mattunnagu ammaffigaat aningaasaateqarfiit namminersortut kisimiillutik arlaliullutilluunniit sulinngiffeqarnermut aningaasaateqarfimmi/-nnik pilersitsiniartuuppata.

- 3. Siunnersuuteqartup tunngavilersuutimini taavaa, ilaqtariit isertitakitsut meerartaat immikkut aqutissiuisoqartuuppat periarfissaqalisagaluartut angalasarnissamut. Taamaaliortoqarsinnaavoq suleqatissarsiornikkut, assersuutigiinnarlugit aningaasaateqarfiit pioreersut ilaat. Nuna Fondi periarfissanut piukkunnartunut ilaasoq, taamaattumik kissaatigineqarpoq akissutinni Nuna Fondimik kajumissaarerusunnersutit qinnuteqartartumik amerlanerulersinnissaannut. Ataatsimoortumillu akissuteqaaterni qinnuigissavatsigit aningaasaateqarfinnik suleqateqarsinnaanermut isummernerit tusassallugu, qanorlu taassuma tungaanut suleriaqqissaq eqqarsaatiginerit.**

Akissut: Akissut qulaatungaaniittoq innersuussutigineqarpoq.

- 4. Ilaqtariit soorlu SIK'p sulinngiffeqarnermi angalanissamut aningaasaateqarfianut qinnuteqassagaangamik isertitatigut killissarititaasut oqaatigisinnaavigit, inersuarmi oqallisigineqarmat aamma eqqaaneqartut?**

Akissut: S.I.K. innersuussutigineqarpoq.

- 5. Naalakkersuisut ilaqtariit pineqartut pillugit suliniutigerusutaat taakkartorneqarput. Naalakkersuisunit tamakku itisilerneqarsinnaanerlutik?**

Akissut: Pisortat ikiorsiissutaannik meeqqanullu tapinik iluarsaaqqinnissap ataatsimut isigalugu siunertaraa innuttaasunut pisariaqartitsisunut ikiorsiissutit ilaqtariinnut pissakinnernut tulluussarnissaat.

- 6. Ataatsimiititaliap ilisimavaa kommunit ilaasa illoqarfiit ikinngutigisat kommunillu ikinngutigisat paarlaateqatigalugit angalatitsisartut, meeqqat, inuusuttut atorfillillu angalanissaat najugaqarnerallu eqqarsaatigalugit. Naalakkersuisut ilisimasaqarfiginerlugit ikinngitigiittut angalatitsisarnerit eqqarsaatigalugit isumaqatigiissutit qanoq nalinginnaatiginersut?**

Akissut: Naalakkersuisut kommunit ikinngutigiittut isumaqatigiissutaat eqqarsaatigalugit ataatsimoortumik ilisimasaqarfiginngilaat, taakkumi kommuninut tunngammata. Naalakkersuisut periaaseq taanna arlalinnik iluaquteqarmat ikinngutigiittut paarlaateqatigiilluni angalatitsisarneq tapersersorpaat.

- 7. Apeqquta 6-imut nangissutit Naalakkersuisut kommuninut apeqqutigisinnaanerlugu ikinngutigiittut illoqarfiit akornanni paarlaalluni angalatitsisarnerup qanoq atugaatiginera, aamma Naalakkersuisut oqaatigisinnaanerlugu kommunit akornanni paarlaateqatigiittarnerup kulturimut oqaatsinillu paasinninnerunissamut iluaqutaanersoq?**

Akissut: Apeqqu 6-imut akissut innersuussutigineqarpoq.

- 8. Ataatsimiititaliap nuttarsinnaanermut tapiisarnerit aningaasanut inatsimmi immikkoortitat eqqartortanngikkaluarpai, ilisimatissinnaanerpatSIGULLI aningaasat tamakku sulii atorineqartarnersut aammalu sumut?**

Akissut: Inuussutissarsionermut, Suliffeqarnermut Niuernermullu Naalakkersuisoqarfimmit paasissutissanik piniarsimavunga. Paasitineqarpungalu nuttarsinnaanermut tapiissutit tunniunneqartatut innuttaasunut illoqarfii/nunaqarfii akornanni atoriffaarnermut atasumik nuunniartunut. Nuttarnermut tapiissutit innuttaasut sulingiffeqarlutik angalanissaannut tunniunneqarnej ajorput.

- 9. Naalakkersuisut siunnersuummut tapersiingikkaluarpataluunit, taava siunnersuutip siunertaanik anguniagaqarlutik sulissuteqarumavit, qanorlu?**

Akissut: Naalakkersuisut siunnersuuteqartoq isumaqatigaat meeqqat inuusuttullu pitsaanerpaamik ineriartortikkumallugit, toqqissisimanartunillu avatangiiseqartikkumallugit sunnernerneqassasut. Iluarsaaqqinniarluni suliniarnermi aggersumi pisortat ikiorsiissutaat meeqqanullu tapit misissorneqassapput, aammalu ilaqutariit pissakinnerusut eqqarsaatigalugit aningaasaqarnikkut inuuniarnikkullu periarfissaat naammaginarnerulersinneqarnissaat qulakkeerneqassaput. Siunnersuutillu ilusaa naapertorlugu Naalakkersuisut suleriaqqinnissartik eqqarsaatiginngilaat.

Inussiarnersumik inuulluaqqusillunga

Martha Lund Olsen